

ta quam plurimis exemplis edocui sumus. Etenim mortales quum momentaneam vitam in terris agant, omnes suas spes & cogitationes in opes & honores coniungunt: quibus adeo inflantur adeo intumescunt, ut obliti suę fragilitatis obliti mobilitatis rerum humanarum se per beatos credant: ac huiusmodi felicitatem, quę inanis sane ac per breuis est, æthernam fore arbitrantur, spreto sapientium monitis, neque suas calamitates ex subitis rerum mutationibus prospicientes deorum se immortalium æquasse potentiam in animum inducant. Itaque fortuna facto animorum experimento quum videt homines prosperis rebus insolescere, quasi postico clanculum delapsa ludificat spes inanes, dissipat vanas cogitationes: hanc euanidam felicitatem conterit ac euertit. **CÆSAR.** Obstrepis isto sermone Sylla: nec enim modo vacat sententiosam orationem audire. **SYLLA.** Adhuc appares Cæsar illecebra dominationis irretitus vastam ante cęcutientes oculos nebulam quãdam habere: sed si velamen istud a fronte detraxeris, tum intenderis mentis aciem, liquido deprehendes dominationem, quam tantopere affectaueras, somnium quoddam extitisse. Ad hoc quęso consideres quo necessi-